

**BOSNA I HERCEGOVINA
FEDERACIJA BOSNE I HERCEGOVINE
GRAD ZENICA
Služba za privredu i upravljanje razvojem**

Broj: 06-45-6123/21
Zenica, 28.05.2021. godina

STRUČNA SLUŽBA GRADSKOG VIJEĆA

PREDMET: Izvještaj o poslovanju JP "Tržnica" d.o.o. Zenica za 2020. godinu, dostavlja se

Poštovani,

u skladu sa programom rada Gradskog vijeća dostavljamo Vam Izvještaj o poslovanju JP "Tržnica" d.o.o. Zenica za 2020. godinu.

Uz Izvještaj o poslovanju dostavljamo i sljedeće dokumente:

- Izvještaj o poslovanju preduzeća za 2020. godinu (zajedno sa Izvještajem o radu direktorice preduzeća i Nadzornog odbora sa ocjenom o stanju u preduzeću i radu direktorice);
- Izvještaj o reviziji finansijskih izvještaja JP "Tržnica" d.o.o. Zenica za 2020. godinu;
- Bilans stanja
- Bilans uspjeha
- Poslovni plan preduzeća za 2021. godinu (Izmijenjeni trogodišnji Plan poslovanja za 2019- 2021. godine)
- Zaključak Nadzornog odbora broj: 1157/21 od 26.04.2021. godine o usvajanju Izvještaja o poslovanju za 2020. godinu, Izvještaja o radu direktorice preduzeća, Izvještaja o radu Nadzornog odbora preduzeća
- Zaključak Nadzornog odbora broj: 1159/21 od 26.04.2021. godine, o usvajanju Izvještaja o reviziji finansijskih izvještaja JP "Tržnica" d.o.o. Zenica za 2020. godinu
- Zaključak Nadzornog odbora broj: 1156/21 od 26.04.2021. godine, o usvajanju Plana poslovanja za 2021. godinu

Sve navedene dokumente dostavljamo i u elektronskoj formi.

U vezi sa dostavljenim materijalom daje se mišljenje:

Informacija o poslovanju JP "Tržnica" d.o.o. za 2020. godinu, shodno Zakonu o privrednim društvima sadrži godišnji obračun rezultata finansijskog poslovanja i izvještaj nezavisnog revizora o izvršenoj reviziji finansijskih izvještaja JP "Tržnica" d.o.o. Zenica za

2020. godinu, izvještaj o radu Nadzornog odbora u 2020. godini, izvještaj o radu direktora u 2020. godini, poslovni plan preduzeća za 2021. godinu.

Iz Informacije o poslovanju JP "Tržnica" d.o.o. Zenica za 2020. godinu izdvajamo sljedeće:

Javno preduzeće je u Finansijskim izvještajima za 2020. godinu iskazalo sljedeće vrijednosti:

- Ukupan prihod za 2020. godinu.....1.153.058,00 KM
- Ostvareni rashodi.....1.251.737,00 KM
- Finansijski gubitak.....98.679,00 KM
- Prosječna vrijednost poslovne imovine (aktiva).....4.381.858,00 KM

U toku 2020. poslovne godine ostvareni su prihodi po osnovu:

- Naplate dnevne naknade za korištenje prostornih kapaciteta i opreme
- Zakupnine objekata s kojima preduzeće raspolaže
- Rezervacije prodajnih mjesta i
- Ostalih aktivnosti (prodaja starog papira, izdavanje u zakup reklamnog prostora i sl.)

Ako posmatramo ostvarene prihode u 2020. godini u odnosu na prihode iz 2019. godine, primjećujemo da su 2020. godine ostvareni prihodi za 92.542,00 KM manji u odnosu na prethodnu godinu ili za 7,43%.

Ukoliko posmatramo ostvarenje prihoda po grupama ostvarenih prihoda možemo uočiti da je povećan prihod ostvaren po osnovu naplate dnevne naknade-placarine za pijacu u Crkvicama i naknade za vage. Evidentno je povećanje u kategoriji „ostali prihodi“, a što se odnosi na finansijsku pomoć Štaba CZ Grada Zenica na ime namirenja troškova zbog poduzimanja preventivnih mjera u svrhu sprečavanja širenja korona virusa. Prihodi po svim ostalim stavkama su umanjeni.

Prihod od naplate dnevne naknade-placarine je ostvaren u iznosu od 382.858,00 KM, što je za 50.055,00 KM ili 11,56% manje u odnosu na ostvaren prihod po istom osnovu u 2019. godini.

Prihod od zakupa poslovnih prostora je ostvaren u iznosu od 609.752,00 KM, što je za 94.510,00 KM ili 13,42% manje u odnosu na ostvaren prihod po istom osnovu u 2019. godini.

Ostali prihodi su ostvareni u većem iznosu u odnosu na 2019. godinu za 52.023,00 KM, a osnovni razlog je u finansijskoj pomoći Štaba CZ Grada Zenica.

U 2020. godini preduzeće je ostvarilo ukupne rashode u iznosu od 1.251.737,00 KM, što predstavlja povećanje ukupno ostvarenih rashoda u odnosu na 2019. godinu za 19.327,00 KM, odnosno za 1,57 %.

Do povećanja ukupnih rashoda poslovanja u 2019. godini je došlo iz razloga povećanja rashoda po osnovu materijalnih troškova, troškova zaposlenih i troškova amortizacije.

Preduzeće je za 2020. godinu iskazalo finansijski gubitak u poslovanju u iznosu od 98.679,00 KM što je ekonomska posljedica pandemije korona virusa.

Cijeneći gore navedeno, Služba za privredu i upravljanje razvojem dostavlja Gradskom vijeću Izvještaj o radu JP „Tržnica“ d.o.o. Zenica za 2020. godinu na razmatranje.

S poštovanjem,

DOSTAVLJENO:

1x Naslovu
1x a/a



POMOĆNICA GRADONAČELNIKA

[Signature]
Zmra Mehmedić dipl.oec